

退

菴

詩

存

退菴詩存卷五

福州梁章鉅蒞林

洪江登舟示鄭松谷太守

鵬程

林蓼懷進士

軒開

送人作郡也匆匆笑挈輕裝細雨中
博得扁舟成小聚春江齊趁一帆風

青雲舊路尙依依把臂難留慘綠衣
相對能忘今昔感廿

年桂樹早成圍

松谷爲鄉
薦同年

看花那復判苔岑

蓼懷爲會
試同年

十載叩驢感慨深今日送君

增意氣閒雲也動出山心

天然入座酒星連不飲真癡過亦愆監史好煩黃叔度醉

中如對抑之篇

同舟皆善飲惟黃九紫苑不勝酒力席間常推爲監史云

杯盤笑語雜喧闐聽水聽風夢亦連此景可堪追憶處當年幾度孝廉船

溪岸待月

未覺客途苦都緣詩思清酒從良友醉月自故鄉生夜靜灘聲轉沙迴岸影明榜人不知趣頻與報深更

緯繩

百丈橫空起溪行仗爾勞紛拏絙亂石嫋娜狎驚濤曉露

盤千籌斜陽颺一篙因茲悟難進前路慎相操

槩鈿

槩鈿形惟肖佳名古未聞柔聲抵篙力圓影印波紋不厭
更番換全收掣曳勲他時編錦字方語補揚雲

將至武夷和松谷韻

舊歷昇真洞府奇六年回首費尋思誰知未了名山債又
作閒雲到武夷

前村野渡溯苔磯三兩人家半掩扉不覺倚欄身入畫金
盤山外夕陽微

川原花果暖蒸霞春事闌珊亦足誇最愛晚風送香氣筠
籃揆戶揀新茶

筍輿歷碌晃朝陽料峭春寒逗麥涼登頓且欣腰脚健壯
遊莫負鬢毛蒼

天游觀中索松谷蓼懷詩

昔來深秋今暮春春山如笑情彌親昔來暢晴今快雨胡
麻澗底龍飛舞六年兩度名山遊況復舊雨偕良儔山鳥
山花我舊識山靈笑我詩無力淋漓眩忽開奇觀印須我
友鐫脾肝三六峰頭但叉手直待青天共搔首

送姜生蒼雨湖出游

入春雨雪十日強閉門偃蹇盤詩腸侵曉晴光來剝啄忽

聞游子新離鄉三世知交卅年久荔鄉桂隱頻回首蒼雨家有

荔香齋及巖桂草堂皆疇昔鴈咏之地今日停鞭索我詩黯然那復容緘口

男兒壯志當題橋懷抱利器誰能料夢中春草飛千里筆

底青山接六朝京洛故人佇相見江下琳瑯爭識面脫頰

須爲席上珍振衣莫使緇塵變君所親本詩人謂鄭象山明府擘

箋吟徧河陽錦會有春陵同使君君之亞我所敦謂林少穆孝廉

相逢正是探花候爲道相思日暮雲他鄉似此豔儔侶彈

冠之慶豈虛語卽今喬梓多箴規

蒼雨尊甫受菴先有詩

定見門閭

擴前武顧我年來守故山拭目爲爾生歡顏此日南枝增
悵望他時東道好泐桓

送葉真園之官富民

職守有清要內外無重輕男兒抱志業豈必問所憑夫君
名家子一笑辭蓬瀛意謂濟川才冷曹安足撖南甯一萬
里南望雲氣漲洪流滙農納赤晟翹芝英

農納川赤晟山並隸富民

沈

沈百里侯控制非易勝蠻童與犵女何以柔其勅當年文
翁肆巾卷延餘馨

君尊甫毅菴先生曾督滇學

舊德眷山斗何以揚先

型吏風日以傲周旋半蟲冰侯門慣侮客賢者尤凌矜高
牙喧大角逢人說廉聲所挾固已微所濟焉能宏想君鑒
薄俗鬱鬱剛腸鳴匡居易抵掌凜此新發硎湘潭暮山出
蒙雋春江平板輿富清賞綵服輕遐征羨君壯游樂忠孝
能雙并祝君冠最書密令行內徵君家盛羣從分疆各專
城一鶚切華蓋才思塞溟鯨南北遙相望濁酒方細傾龍
吟迴其頭會復趨瑤京我亦香案吏結契揚馬庭鄉關費
日月因子懷青冥贈言忽泉流移文愧山靈高歌青眼繼
良會期春明

營先墓工竣作此抒哀

我生賦命薄艱險難自全少小失所恃壯齡痛終天十年
五挾策間以生事牽每逢朋酒歡內顧方嗒然掩親古有
道胡爲獨遷延內行已多缺虛名徒可憐中夜不能寐攬
衣涕泗漣凌晨出西郭新墳遍高阡行行望梅峯華表方
聯羽先代墓多在梅亭新聯羽壁相距亦一壘而近我家世儒素積久光必宣佳城
鬱佳氣舊德人爭傳愚者昧此理耳食誇牛眠善葬每不
昌古訓須拳拳義利弗自勝浮沉終蹈愆以茲積感憤安
得時勢便先靈幸我誘將伯挽我前豈不凜新恩輕重自

有權展轉錯舊局塌來邁新緣倏成福地湊宛在洪塘偏
沙土凝秀發堂防趨蜿蜒藉茲安冥漠含哀方告虔美蔭
非敢干比化庶無悞義方有令範手澤珍遺編但恐世業
墜豈受名韁纏祿養既不逮鼎烹增憂煎守株且徒倚誓
墓非屯邇顯揚良所願可求非執鞭勗哉慊明發懷哉考
祥旋

浦城祖司寇師與祝東巖太守修築全城大工將竣
詩以紀之

玉燭調 昌運金湯葢廣衢鴻功資保障醴化遠涵濡繫

此丹山域雄當赤縣喁咽喉資限越襟帶遠通吳臨浦形
原壯連壘勢忽劔懷山經蕩激盡地遂榛蕪久匿名賢慮
難期衆志愉度支艱箸借州府幾籌紆粵有溫恭媛能爲
慷慨輸謂東巖母徐太恭人捐輸關心衛桑梓揮手割膏
腴申議僉洵喜封章

帝曰俞擊天須一柱報國有三珠事要唐邕領人知偉節

殊

大吏入

告以

司寇師

就近督辦

又

協謀經始

亟壹意

作忠俱靈府成規具良辰福命扶星飛鎚晉集霞起絲紛

敷必慎流泉度時殷夙弊誼多因陘山堰幾沒晉陽邠固

址惟祛患安流乃附塗千金蠲犖三角息盤盪

除東南三角陂

以紓水患斛律鞭隨指靈溪鼓應杼任材咸不忒量日總無踰

畚鍤先周庀餼糧戒靡廡短筇僚巖壑小筏出菰蘆樓觀

撐重屋堂皇布九途懸虹出闌闌晴旭隱枿櫨頑石新從

矩梢溝絕溢泂草開金埒地花入錦官圖傑構巍東際奎

輝萃巽隅神明苞界局秀淑挺英儒

城東增建文昌閣

亦有通津

阻無煩病涉吁鯢桓豐巨闕鰲背踏連艫

城南增建浮橋

勝事原

因彙斯文獨不渝穹碑顯真面奇字剔殘趺

工次搜石得宋王堃書社

稷壇碑因有寶宋亭之建

墨竇千秋重心源一脈乎

是歲適以舊藏真文忠公墨蹟及遺

研奉司寇師因商建
二有堂刻石以紀

亭欄輝鳥革
蠶賽鴻都似此經營
備齊隨軌范趨歡聲騰版榦佳氣決闡閣役趁崇墉便費
增例額需筮應占大畜募早陋元菟條教兼威惠興歌洽
苑枯蔚然揭雄壁慕爾煥新模金第森巖邑瑤光炳泰符
大猷駢眾美曠舉耀寰區彤管慈徽永貞珉寶蹟臚長言
更覲縷盛德總難摹

竹醉日東巖於鳳池亭種竹陪祖司寇師飲

斜陽半天碧雲蹙筍興招我作近局云是今朝竹醉辰欲
藉叢篁却炎燠三竿雨竿來陂陀短垣一派疎羅羅要使

遠峯青不斷更分曲沼影相磨我識此君有深致勁直偏
能兼娥媚座中佳士欵賓宜醉中高士移家易藏胸千畝
莫須誇眼前亭館增風華不是鳳池真有鳳何緣鳳尾紛
交加主人愛客甚愛竹相邀與竹分清福闕茗能忘日似
年飛觴不覺露如沐今年明月今宵多主人移席索我歌
我與此君同一醉憑闌奈此月明何年來偃蹇凌雲志倚
竹欲吟翻自媿儒林丈人方灑然定有陽春拂新翠

題有斐園畫卷爲東巖作

古人寶遺墨惟其賢者傳何期一堂中結此翰墨緣鬱陶

乎予心相望六百年

二有堂

突兀眼中屋上爲萬卷樓吾鄉足故事千載同風流若非

張諸暨定屬方潮州

吾鄉諸暨簿張慈有聚書癖見武夷新集潮州守方畧家中有萬卷樓見

莆陽比事

鳳池本陳蹟千載留夕照雅材發新意欲復郎都調此鄉

足丹山倘在桐花叫

鳳池亭

山房面山立新花夾故林一重復一掩竟日留清陰茲焉

息機足逝矣招隱心

息陰山房

佇月地宜曠絜構緣噴吮織雲不敢飛金波被雕欄直須

徹夜坐同與勝高寒

月臺

懸崖鬱古異修逕巽深碧豁然又一邨
潑眼花柳積便當

武陵源我是人間客

又一邨

石骨媚幽獨泉響參聲聞石介泉復清兼之惟此君始知

丹碧壤儘有瀟湘雲

修竹園

爲山非鑿井乃聞漈漈聲飛泉復湧出壘石泉以成所欣

泉底影同是在山青

乳泉

近水碧無盡遠山青復來虹梁如畫本雉堞如平臺乃知

所處高萬象供徘徊

來青亭

退菴詩存卷五

環流敞疎櫺中有千秋業
名山許我共夢與琅嬛
接何當
依古香長爲掃落葉

留香室

漁梁萬葉寺

十大名山列寰宇其一漁梁鎮炎土區區福地安足論要

共五嶽分千古

圖經以漁梁爲十大名山之一道
書又以漁梁爲七十二福地之首

東南瀑

布爭喧洪第三條復歸此中

浦邑舊志又以漁梁
瀑布爲天下第三條

路旁無

石不飛動巖畔有水皆嵌空如斯勝地不能到孤負廿年

踰嶺疑團翻謂圖經侈俗顏應惹山靈笑今秋躡屨緣

奇壘乃知實蹟非虛張造幽始訝無人境溪峯回互趨堂

防鬱鬱石林蟠水府間以瓜疇雜農圃曲岸時通太古雲
奔湍長作人間雨忽然劃破青崔嵬銀灣倒瀉如奔雷九
天九地一條接想自開闢洪荒來雜花游目驚俶詭聲光
復落希夷裏不知塵世幾由旬嶮然獨立歎觀止陂陀右
轉風幡颺老僧與客同清狂快游已足詫朋輩那教感喟
生蒼涼七松壇外草如積到眼招提總蕭瑟布金安得須
達多長使靈區耀慧日

秋日登鼓山積翠寺與了堂和尚夜話用曼叔家兄

韻題壁

休言顯晦與升淪不二門中認此身雲到空山本無礙秋
來蕭寺豈嫌貧籬籬洞達厖猶守花草零星雀易馴我欲
相從甘澹泊招提何日結芳隣

何由辛苦構危峩往事曾翻古井波百折精心愁佛劫三

幡黑孽累詩魔移山未必非權應退院猶難說屢那

唐書南蠻

傳雍羌樂曰滌煩驃云屢那謂時滌煩督以此適情也

苦待因緣作初地可知煩惱

儘人多

耳熟湯休是妙才黃雞白髮不衰顏放眸雲際天難問招
手人間曲可哀剩有詩腸齊鬱勃何妨禪悅間談談梵鐘

佛火通宵坐記取浮生第幾回

行滕乍與洗征塵方外旋來笑語親乘興但隨流水至舊
游齋指白雲鄰寺背卽白雲寺沉沉杯酒供饒舌草草詩篇鮮入
神明發莫忘桑下宿無端小住亦前因

重陽前二日招陳秋坪司馬登龍萬虞臣舍人世美

趙穀士編修在田葉文石明經申蔚林蓼懷進士

鄭松谷太守馮恪甫光祚裴古慤顯忠二孝廉小

集藤花吟館

開我藤花館招君竹葉觴殷然望三益况復近重陽便擬

題襟雅何須落帽狂令辰兼勝會自古託文章

我愛儒林丈

謂秋坪司馬

當筵笑語溫黃花支晚圃白髮照清

樽每動先疇感方知祭酒尊

司馬於余爲父執

苔岑何可例但欲

乞淵源

莫笑蝸廬仄莊諧靡不宜畫宗辨南北飲戶角雄雌桂作
小山意藤將千載期聊堪拚一醉明發始催詩

擬顏延年五君詠

阮公厄陽九痛比憂生大反復首陽吟惻愴鶉火會

用詠懷詩

語辭婚自明哲戒子見精義通易乃遺名京管有餘媿

阮嗣

宗集中有通易論明陳德文曰籍之通易京
房管輅有餘媿矣今之談易乃遺籍何也

中散蘊志尙孤忠依當塗帝室戚敢忘母邱助非誣絕交
謝軒冕窮理歸唐虞琅琅太師箴豈真山澤癯

伯倫妙機應放志細宇宙鹿車詎相妨雞肋亦自救對策
崇無爲遺形獨永壽二豪亮有指一錘真不疚

仲容亦南阮免俗聊復爾貞素甫見招浮虛已遭毀越禮
借客馬縱情接羣豕但借宣子歡那靳荀令喜

子期雖薄宦未昧箕山志隱解振元風養生發高致援翰
慙黍離灌園益酒費應計何足猜容跡亦無諱

書三國志陳思王傳後

東藩果屬不凡才太息圈牢志未灰漢祚終移空有泪

用蘇

則傳語

洛靈雖感豈無猜那須自殺疑梁孝恨不同歸見鄧

哀千載王通是知已莫憑陳壽起嘲詆

中說事君篇曰陳思王以天下讓時

人莫之知也又曰君子哉陳思也其文深以典

菊影

但附黃花便有神離離何必盡搖春閒庭晚照增頑豔
匣
逕霜華認化身那用更描沒骨畫祇應暗笑折腰人
苦心
欲學橫斜句月地雲堦隔幾塵

菊韻

名花傾國本盈盈誰信東籬也目成大抵佳人都作態何
嘗高士諱閒情淡無言處當簾瘦倦不支時入翦輕除却
九天青女妬幾回傲骨肯分明

九月十九日鄭松谷曉巢書屋第二集

我昨飲君重九前君乃飲我重九後九月十九亦重九焉
可一杯不在手或言展重陽又云古重陽數典何分宋與
唐吾鄉盛事非尋常藤花館中我倡始不期遇者九人耳
城西太守踵而起名流招遍東南美清讌不煩竹肉絲談

諧無過書畫詩菊花能黃酒能白華顛慘綠齊酣嬉主人
觴政無不可獨有催詩急如火坐令詩箋束筍來火齊木
難競蕃駭我詩備數安足留但希此會當千秋海濱詩事
我能說騷壇赤幟凌方州君不見景德詩人變新樣錢劉
風采尤宏壯要非吾土楊大年孰堪領袖西崑唱又不見
月泉吟社雕脾肝二百餘輩工且嫻持衡必屬謝舉羽冠
榜終歸連應山詩話樓中一代傑滄浪粹旨非禪悅宗陽
宮裏月輪高百戰健兒俯虞揭風流遞衍宋元明十才子
者猶錚錚主持更屬高廷禮從此唐詩有正聲繼起石倉

挾庭樞十二代詩一手纂同時徐謝張其軍旗鼓中原真

不辱卽今銷歇百十年後生何必輸前賢帖拈房書競嘲

晰千鈞一髮誰當肩簡齋詩老眼如電秋坪導我源流賅正

變豸山先生律更嚴形相期直與曹劉戰由來此事須多

師力扶質幹刪繁枝不緣溫厚固無本徒恃性靈亦易衰

讀萬卷書行萬里了不關詩詩在此求其合處又難言我

心知之力則靡諸公健者方振奇翠駿紫鷲不受羈我意

聯吟卽勸學願竭十駕相扳追我言未審合不合壁上新

題已稠疊題餽未敢笑劉郎持醪且復和陶集是會以和陶飲酒爲

書宋史楊龜山先生傳後

宋史傳道學剗例古所無品既有真僞道亦有隆污洛蜀
之釁胡爲乎籛籛自毀良可吁不究厥用且厲禁與人家
國徒區區龜山先生最明哲服服行藏如皎日浮沉州縣
四十年民不能忘願已畢無端重望聞邊庭秘書著作來
干旌從此時艱切懷抱邇英論列敷丹誠熙寧紹聖一再
誤委講康屯感知遇平生只說吾道南不料朝廷亦南渡
花石餘氛尙未清宣和會計豈能羸當路欲函童貫首隔

河誰責肅王盟三十餘州甘一擲九十日官竟何益虎口
新還漣水軍龍圖甘換洞霄秩慶元羅織雖未成先生若
預知其萌甯以林泉娛晚歲肯將黨禍負明廷洛閩授受
有條理海濱鄒魯由茲起辨香直衍羅豫章風義永懷李
伯紀不隨不激真吾師絕續之統已在茲舒王邪說忽瀾
竭元祐孤忠終霧披道學如斯乃俊傑清流何必召傾軋
舉世爭誇立雪門高風誰繼落星穴

馮恪甫陶舫第三集

陶舫古勝蹟託始鹿原翁當年蘭話堂名流塞其中有樓

志在是有齋樸學崇鶴巢枝窳篠林亭花蒙龍

蘭話堂志在樓樸學

齋鶴巢林亭皆陶舫中舊蹟

縑紉三萬軸照耀東海東吉金羅姒姬翠

墨搜華嵩瓦當倡先聲刻畫甘泉宮瑤華溢瓊匱強半陳

孟公琴尊洽耆宿壇坫推元戎流徽盛羣季結束金瓏璫

石林綴硯史榕海恢談叢

鹿原先生子蒼巖著榕海紀聞孫涪雲著硯史

名場極

蹠蹠名山漸寵崑至今寶遺翰鼎鼎矜家風而況大雅輪

眷茲地一弓藏舟走夜壑傳舍隨飛蓬雲去鶴不返雪消

鴻亦變具區賢主人後塵印深衷楊儀洞各勝裴楷宅自

通

屋爲恪甫伯兄笏駢所居

求迹履其憲精光出磨礪將無分地靈今

之信與侗清晨風日美折筩排詩筒詩客蹋臂來堅壘摩
鴻網詞源一傾倒海會而川冲廻瀾生紫漪百寶搖冲澗
又如據絕頂笙鐘滙奔洪暗流咽鳴玉巨溜馳豐霽我目
乍眩惑我耳熒復充瑟縮出袖稿伊嚶爭秋蟲此間足前
輩交采鮮平聲曠隴時賢乏好事旗鼓無真雄故鬼應笑人
臧穀均瞪矇諸公衍芳躅雅奏噤蠻訶今昔遙相望所得
當已豐何妨我布鼓雷門託評鋒投筆張酒兵猶堪偏師
攻長筵恣大嚼杯盤蔚其饒分曹謹射覆俯吸如長虹酣
嬉異荒宴狂嘯仍虛盅乃知文字飲不數王無功酒闌忽

退菴詩存

卷五

去

起視象緯森遙穹問君百年內此歡竟誰同君看落星石

定復光熊熊

庭中落星石鄉
先輩皆有詩

九仙山丹井歌

月煙黃黃日煙紫井幹苔繡轆轤毀湖濬瀾翻失九鯉九
仙老衰叫不起當年呼龍飲龍津金龜刮海海似銀虛皇
押敕授樞簡井畔開明鎖玉檻月爐忽報丹火青白男赤
女聲嬌停此時此井湛復滿九仙掉頭不肯管金天掣日
玻璃搖斜山風雨盤靈籥秦皇漢武汲不得火井蕭寥丹
井塞銅盤仙人淚沾臆仙乎仙乎亦何益

送林少穆庶常

則徐

携眷入都

飲罷黃花酒，征人已。有期翩然挾仙侶，本合住蓬池。彩筆探懷早，斑衣出戶遲。壯游齊引領，吟社正催詩。

當代清華選，通才易冠場。濱瀛傳露布，

張中丞籌海文移悉出君手

上

界足雲章

君入翰林習國書

文棟兼時棟，他鄉實

帝鄉。揮鞭增意氣，爲爾一軒昂。

年來憶蹤跡，吾道有窮通。屏麓苔痕潤，

余舊居在屏山之麓與君爲比隣

鈴齋燭影紅。

時借入節幕

暫離猶耿耿，送遠忽怱怱。從此勞延

佇青冥，盼造鴻。

我亦春明侶，沉思一刹那。滄江驚歲晚，青眼望酣歌。何日還香案，頻年送玉珂。故人如問訊，補屋正牽蘿。

鼓山絕頂望海歌

千山萬山列眼底，倚天空碧不知止。眼中滄海小如杯，海上浮雲白如紙。流虬一髮來青青，鯤身隱約浮東甯。天吳陽侯意叵測，蜃樓倒矗蛟涎腥。昨夜黑風吹海立，陰火難消水仙劫。天末遙遙蜃客愁，浪頭隱隱鮫人泣。我欲乘風遠扶搏，樓船突兀誰能攀。徒有襟期偃溟渤，惜無長策回狂瀾。忽憶神仙隔縹緲，蓬萊清淺無人曉。排雲但望金銀

臺珊瑚枝老蟠桃小便要東攀若木華羣仙接引如蟲沙
拍肩教我洗毛髓應龍十二空衙衙知不可得下山去富
貴神仙亦朝露不如呼酒東際樓

山中樓名

海月山風足良晤

擬老杜諸將

重淵一震黑蛟沉乍喜紅旗有捷音豈謂孫盧滋別種翻
愁辛趙欠同心談兵紙上終何益觀象旄頭匪自今十載
論功限分寸叩舷奚以貢丹忱

邗連封塚已岩龔絕島鯨鯢骨未銷往事猶聞先軫唾悲
風終咽伍胥潮磨崖文字螭趺麗卧閣勳名翠羽驕未必

精魂真殺賊諸公且莫賦鷓鴣

北衙南屏壓巨鰲百年叢爾幾遭逃九天鼓角占星轉八
陣風雷捧日高近說雲帆艱內運頻煩露布督連艘安危
自昔須深計莫遣重聞澤雁嗷

聞道馮夷涕泪傾荒荒海氣不分明樓船易作還家夢阨
塞翻收坐港名亦有臧洪工誓衆那教宋義慣停兵箭弓
只在幡然際萬頃迴瀾本鏡清

由來委講乃康屯開府籌邊自有真射虎威名今孰繼燃
犀智勇古無倫恐教握節勞韓說莫漫投壺託祭遵差喜

龍驤王輔國十年橫海鬢如銀

裴古懋容膝山房第五集

閉門過浹旬漸覺吟思懈催詩第五集又破止酒戒高齋
背烏石紆徑闢鹿砦有美居最幽不速客並屆莞爾接令
顏蹙然洽芳歎鐺腳蟹眼喧簾額畫叉挂砌苔上韉紋庭
花拂衣袂案珍宋製研壁滿米家畫但斲賞心同何妨容
膝隘新題富奧衍舊稿疊緯繡正聲超元箸逸步脫天械
驚奇疴已瘡稱意癢肥疥相期唱愈高奚管鈔者億雅裁
自不忝餘事亦足快甌宰政嚴明厨娘術狡獪大烹靡弗

精老饗有餘嘖座隔戶大小曹分局勝敗澆腸森槎枒吞
胸掃蕪芥雲殊翻覆作雨雜今舊話爭耽翰墨緣莫顧尋
常債眷茲尊蟻乾慨彼隙駒邁華儕各行藏古歡混通介
鄭重名山業傍徨平地簣默然懷千秋歸去聲一派

李忠定公墓

少讀梁溪集掩卷傷名賢今來岳江濱宰樹蟠蒼煙公集
已不朽公墓久益堅盛名繫朱鳥所憾公生前我聞北宋
季國步多屯適惟公許馳驅事絕萬手攀讒者汪與黃沮
者范與顏平生報國心詎爲用舍遷挺身御榻旁慷慨披

忠肝調和龍德宮竟不煩聶山十字擬姚崇長策豈等閒
兩河一畫笏大計非兢兢靖康倘畢力三鎮行復還建炎
如信公二聖將南轅胡爲再三謫綱紀仍蕩然蛾眉苦衆
嫉象簡虛周旋九哥更何心獎忠復崇奸易拔眼中釘早
忘膳後環七旬責相業三疏先弃捐坐令金世界半壁風
塵昏或疑盡瘁誰未可求自全當時不製衿正公致身年
十抗詔不出潔身焉扶顛豈知媒孽徒交誼本無根杜郵
且莫測樞筦安能屑展期謂拒命補尉言專權廟堂自不
聰孰任藏弓愆出處苟弗審蒙咎終誰滿或又嗤十議僭

僞居兩端斷斷張邦昌去就曾何關毋乃見迂緩馬腹施
長鞭豈知國維弛士氣吁可憐相率拜龍沙莫叩澄清觥
立康尙非喜猶揣敵所歡不聞劉盆子僅免身殲旃不見
唐肅宗六等分梟鷲中興有龜鑑那許招譏訕政刑苟弗
立恢復將奚繇嗚呼宋三宗任公輕褫鞶大庭足榛梗未
濟愁狂瀾荆湖與交廣短馭祇可歎長城失蕭條蒿目偏
安偏冬青無故樹一坏尙噴吮至今恨殘局翻在南枝先
迢迢望天水隱隱聞啼鵲咄哉小箬溪亦有丞相阡

黃潛善墓

在小箬山中距公墓十餘里耳

許春甸媽紅小院第六集先期賦贈同人各一首依

次和之

建昌老司馬

陳秋坪司馬

作吏真飲水詩才籠千秋畫料包萬

里

公宦蜀時曾出駐西藏三年

端居動清興忘年答羣喜擊我登騷壇

仗君執牛耳

余倡開吟榭延公爲祭酒因袁藤花吟館四字爲余齋額

侍御蘊名德

游彤甫侍御

中年頤天和歸田一十載秋水真無

波

公歸田詩有秋水無波穩放船之句

三山遍養秀報

國亦已多獨餘朋舊感歲晚驚蹉跎

公贈詩叙十八年前京邸聯吟事甚悉

薩公湖海士

薩檀河明府

詩酒恣泱泱作宰戎馬間鬱鬱不能

退菴詩存卷五

三

仰歸來注先集雁門無滯響論才猶突過琅函佇真賞

近梓

白華樓詩
草將成

我愛余夫子

余片玉
孝廉

樸學非繡盤相地得其理談天窺其

端舌耕食不

延養親有餘歡小詩不求工亦令懷抱殫

林公道氣深

亦夢懷
進士

肝膽復豁露看花許我偕種花君當

去平生偉懷

抱俯仰自有度政成定傲我冷官竟何據

明經名家流

葉文石
明經

磨礪發精光羣從各簪紱灑然守故

鄉終爲席上珍何妨錐處囊君看丹山路一鳴叶歸昌

太邱蓬池老

陳恭甫
編修

體質復彪文易服返鄉里闡幽復勤

勤

君近撰吾鄉儒林文苑傳畧上之史館

比當讀樂始恰值聯吟羣如何惜

壺汁遲我鈞天聞

君入吟榭稍後而詩出亦遲故戲索之

太守瑚璉器

鄭松谷太守

仕學優能俱餘情作詩伯健飲非酒

徒先徽已不朽報稱非區區

君近校梓尊太恭人疎影軒詩草

嶽雲方再

興且莫吟鷓鴣

時君服闋將出山矣又

天水清華選

趙穀士編修

早讀上清書春明一揮手息影十載

餘縑細檢市肆金石搜榛墟蘭臺足鴻寶曷不脂爾車

馮五身寬閒

馮恪甫孝廉

復契易簡旨觀書每卓犖與人一條

理探花雖後期絳趺粲門阨古人惜景光酌酒爲君喜

許六最英俊

許春甸
孝廉

壯游方妙年
夢結羅浮雲

君少曾隨
任博羅

醉衝少室煙

客歲訪親洛
陽因登中嶽

射策却歸來
亭館增華妍
仙都

卽欲界何必區人天

新構媽紅小院
極亭館之勝

河東後來秀

裴古愨
孝廉

總角游

帝鄉歲賢復
昨愈顧盼登名場
英英有殊畧
冥冥無他腸

紅蓮固云豔
安足羈行藏

姜子我世講

姜桐雨
明經

離合非一朝
昔儀北面忝
今會南皮

招下帷有大業
日進誰能料
瞠乎不殖媿我室
非崔儵

題何秀巖先生

蔚然

孺慕軒詩集後

琅琅自述特分明
鳩舌於今有正聲

集首自序辨音韻甚詳

他日勒

成東越志吾鄉文獻有誰爭
照眼西郊突兀來
白楊門巷好樓臺
我慚瑞室頻頻到
自少鍾嶸作頌才

退菴詩存卷六

福州梁章鉅蒞林

癸酉仲冬攜家北上

無田安得學歸田藉口坡公誓水篇敢說鴻毛風易順自
憐雞肋味難捐滄江茆屋經三徙紫闥蘭香忽十年漫向
長安愁米價饑驅回首亦徒然

綺筵連日促離樽壓袖琳瑯富贈言豈有文章堪報國
剩將肝膽矢酬恩雲霄顧盼多儀羽鉛槧生涯忝鈍根底
事蒼茫入懷抱隨緣但與信風幡

退菴詩存卷六

一瓊潦倒易生塵笑比祠官誓乞身見妒由來卽知已遠
遊自昔要因人十年州府虛推轂萬里功名付積薪道力
未堅心又動無端尺蠖總求伸

舊歷蓬山夢已稀猶勞簪筆擬鸞閣奏書事屬傳經向授

簡名分注範羣己巳歲曾爲張蘭渚中丞校上書數十種辛未歲又代分注御製全史

詩六十四卷自愛瓊淵探寶笈誰憐金綫促寒機南宮也有千

秋業底事窮愁戀釣磯

深慙誓墓願徒虛欲表瀧岡恨有餘生計益增孤露感傷

心又斷大雷書第三妹初鵝離懷迸集隨陽雁時伯兄與八弟九弟俱將爲粵

西之行
除 仰沫還多矣水魚媿說杜陵思
廣厦春風何日徧庭

吾家大阮世稱賢
蹕蹕名場四十年
遼海舊曾開鐵網
蓬

山重與撤金蓮
叔父太僕公由留都
小京兆丙擢宮詹
關心東道招人久
驥

首南枝得氣先
時太僕公新得視
學粵西之命
多少家常要傾寫
可堪

良覲又遷延

屈指鄉園樂事賒
酒徒十輩九天涯
秦關雲合千山紫
研林

樵令 滇海春融一縣花
葉薇澳 梅嶺勞人猶負米
何石農

秦中 桃源仙吏易移家
鄭松谷 誰知更有山陽泪
驀地難擲

放手沙

馮恪甫一病而逝

堪笑吾廬一畝強也曾吟社集壺觴雪泥畱爪原非偶夜

壑移舟本不妨

藤花吟館爲同人觴詠之地近質之他姓矣

戀主老藤尙扶醉

笑人叢桂欲禁香北山他日須歸去記取東籬鬪晚芳

漫希眷屬比生天十口初登書畫船閒與老妻說詩料笑

憑稚子作頑禪頻頻倚幌痕猶濕差免臨歧色可憐家食

年來等懷土煙波滿目轉翛然

溫飽由來志不存祇應避世託金門終南樓閣空彈指

忽有

訛傳余援例晉秩者因戲及之

直北關山易斷魂

初聞曹衛

出岫雲心仍

澹定傾陽露卉自徧反所欣前路陳蕃榻杯酒行藏好細

論謂祝東巖太守
吳和庭邑侯

閔邨報雜感

一夜罡風漲玉清升沈雲水獨關情龍文泛駕心猶赤

玉研

農師由執金
吾被譴出塞

鶴性驚秋病易成

祖肅齋師
以疾在假

千里金堤方借

箸戴可亭師
新授河帥

三河赤羽又連營

邦繹堂師入
命總理豫東軍務

可堪

冰炭盈懷抱但祝台星到處明

有斐園雜詩

無端西笑又沈吟暫入桃源歲月深莫爲淹畱便心折榕

城無此好園林

五載寒氈倚粵山仙樓風景絕塵寰誰知更有山居樂丹
碧菁華在此間

銀燭金釵擁畫幃梅花香裏酒頻添豪家韻事仙家福不
道勞人忽得兼

邱壑天然畫本開洞門偏與鎖蓬萊隔牆多少游人妬都
爲梁鴻挈眷來

相期元白抗衡居長傍名園賦遂初聞道仙坑最佳處可

能遲我十年餘

東巖屢爲談邑
中仙坑之勝

別祝東巖太守

爲檢金蘭簿如君有幾人燕臺原舊識粵麓益相親契分
松蘿密襟期竹柏真銷魂暫分手重與話前因

世態隨波靡斯人一往深冠今游俠氣述古聖賢心貶俗
神方貴優情力更任回身嗤燕雀盡日作鴉音

憶昔崇墉役投艱難具論三年瘁皮骨百折荅晨昏忠孝
稱雙美功名感

至尊

君承母志捐資修城得旨以知府儘先補用

衡茅猶報國何況擁華軒

最是傷心事難延寸草春哀榮俱有憾涕淚豈無因門戶

原多感松楸易愴神所期宏報稱珍重顯揚身

未了西窗話先消南浦魂身將辭故國夢未離

去聲

名園婚

嫁關心近行藏握手論彈冠豈無意珍重此離樽

大雪渡仙霞關

大竿小竿決復濟南關北關談蕩蕩山風斜挾山霧寒雪
光直接天光晃渾渾上際惟一白皚皚旁列森萬象天公
游戲亦壯觀巧爲征人助奇賞嶙峋果與闔風齊空明忽
訝恒沙廣平生未信玉山行此際此身真朗朗琪花瑤草
豈幻境葉葉枝枝挺蕭爽聳身會須躡象闕插脚不知在

塵網披雲更祝銅鉦懸布地重看銀海滉

七里瀧

七里瀧頭倦眼開富春江上好風來榜人錯會征人意半
夜無聲過釣臺

嚴州道中憶文選任彥昇謝康樂詩句卽效其體

我家建溪南頻年涉危棧過嶺浮浙江首途卽平遠遙青
婚欲來溼翠蕩猶泣岸回或厲急波駛終清淺候禽變愈
新夜爰聽已鮮蘊真雖莫罄處順故無蹇胡爲滄江客頓
改宿心展湍險任始驚奔隋謝未免分無郭峙迎孰甚呂

梁緬無悶方在茲相形得所遣

杭州得吳和庭邑侯詩柬却寄

春日維舟曲江曲偷閒獨步吳山麓
暮雲東去天末遙斜陽西來江水綠
故人咫尺難得見新詩惠我再三讀
一腔忠愛雜感憤直向故人語
振觸上言建樹媿未能仕宦徒慙
鮎上竹下言決意歸去來十有三年負松菊
憶君別後遺我書至今懷袖如笏
束書中屢說歸田好想見各場多
刺促茲詩反覆語益激挂冠似不煩
商權送我行兼勸我歸奚翅推心置
諸腹我得君詩苦不早中途進退成
維谷

平心爲君下針砭作氣使我忘瑟縮君言無田亦當歸我
爲無田未免俗出處但關田有無此意都難質幽獨言不
顧兮聖所謹躬不逮兮古所督登場誰不歎卽當林下幾
人返初服況君政聲遍南紀循吏傳中媿芳躅英英白雲
鎮相隨粲粲晨葩莫點辱會當趁此強仕年長奉慈雲廣
煦育一官報國豈在大萬事便民卽爲福如何幡然薄
軒冕席珍欲斲荒年穀吾儕行藏貴自審客氣矜持恐易
惡委心戀棧固可嗤抗言潔身亦已蹙君歸未知何所持
我歸已厭饑驅數苦心害性營一飽可鄙正復等食肉柴

桑力謀三逕資杜陵屢眷四松築乃知高人所見高得止
方堪說知足願君堅忍擴志業

聖心方佇良司牧雲當觸石須爲霖泉已出山那免濁中
流果不隨波靡蛾眉何必苦謠詠莫隨俗吏動言貧莫學
通人軼輟錄無病之呻招訕譏不節之嗟凜顛覆政成倘
可賦倦還時至差無諂醜毒我今去君日以遠十口奔波
博遐矚側身人海作吏隱避世金門託臣朔頗聞仕風日
以蔽積薪中外無殊局權門跋履便揚揚要津濫竽只逐
逐不工傾軋卽潦倒那有清華但齷齪我身已如風退鷁

我意猶希日浴鵠振衣苔染京洛塵移家媿混太倉粟
魯公乞米定誰向坡老以錢真可學退食時還讀我書問奇
到處逢先覺腐儒生計豈難料冷署前程聊自勗四十那
不知頭顱升沉笑謝君平卜却因君詩動感喟南北相望
山水復君家藤廳未易主我家藤館須重贖迫人婚嫁攢
心矍成行兒女森頭角何時好風吹一方西窗重話巴山
燭人生離合應有數時會颺流不可捉約君遲我十年餘
誓亦從君補蘿屋

同內子挈瑚兒蘭女泛舟西湖

笑我風塵意興麤泥人日日說西湖今朝真坐扁舟去絕
好浮家泛宅圖

段家橋畔水洄瀠步履初爲選勝行莫管山中高士笑笑
他梅鶴太孤清

指點湖心足滌洞六橋煙水拍空來櫻亭竹檻當風立似
我船窗面面開

聖因寺裏徑通幽六一名泉清且瀏最是愜心難舍去春
風暖茗望湖樓

棲霞嶺下路冥冥拱手南枝尙有靈弱女也知忠孝好牽

衣先要問銀瓶

一艖平臨五柳居
恰逢收網薦新魚
揮觴坐攬湖山勝
勝否蝸廬會食初

暝色偏趨慧日峯
回船更聽淨慈鐘
此來不乞嬾殘芋
但愛禪房花木濃

筍輿轉處夕陽開
顧影都從晝裏來
如此良游能幾度
漣畱城下首重回

贈家曜北處士

玉繩

吾宗重南紀之子
獨遺榮家有靈珠
握人如大玉清求羊

退菴詩存卷六

八

交自淡班馬業尤精

君以所撰史記志疑及古今人表考見示

莫惜恩恩別風

塵眼已明

胥門

薄暮發松陵中宵度具區南風率以厲清曉來姑蘇崇墉
卓岸際橫江做通衢五丈撐大旗十里環連艦此方潞陳
迹託始伍子胥如何龍門筆莫辨懸眼誣我憶吳越史備
紀夫差初桓桓東道旅望望胥門途是時水仙王尙未捐
厥軀焉得近臣號先登舊輿圖

吳越春秋夫差將與齊戰道出胥門因過姑胥之臺

云云是時子胥未死已有胥門之名

抉目本忿語乃作實事臚或磔

荀子且或

烹論

衡百家各齟齬沿訛類倣此考古疑難祛正如入郢役

紀載多粗疎撻墓事或有穀梁定鞭尸理必無但快血流

踝焉知骨已枯吳入郢距平王之卒已十一年公羊疏引春秋說文云鞭平王之尸血流至踝妄可

知良史尙如此悠悠況道塗卓哉孟氏訓且毋盡信書

載書謠

平衝風雪度欹峯小隊喧囂不可禁僕御漫誇行色壯那

知書簾重於金

錢塘江上柳如梳到及春潮半上初一十六蹄轉歷祿赧

人真箇五車書過杭日用牛車五輛每輛四牛

退菴詩存卷六

高牙隱隱露斜陽
伐鼓開船各自忙
關吏不須饒似虎
滿船書畫是家常

費他舟子暗疑猜
一日闌門四五回
如此市廛般賑地
恩祇爲買書來

大風雨渡江

濛濛天塹不分明
一幅蒲帆八櫓聲
衝曉潮頭驅水立
漫空雨陣挾風橫
敢言忠信凌波穩
自笑江潭賦命輕
到眼金焦殊草草
驚魂初定便關情

游平山堂八十韻

昔年夢揚州明月隔煙水行行廣陵驛七度一彈指城南
望城北壯觀可乘坭風雨易相妬朋儕或不喜良游屢難
成俗狀抗誰儼茲役亮自由勝賞實豫企朔風一夜急三
日雪不止春泥已沒足夾雨尙萑萑銜杯屢沉吟擁被幾
臥起凌晨正瑟縮窗隙漏紅晷拍手急披衣呼兒先倒屣
河隄近可越溪舫華不靡皚皚猶壓蓬杲杲恰照几是日
天宇佳純光滌餘滓却緣積素閒愈襯蔚藍美迢迢度城
闌漸漸遠塵市頓教心地清始悟仙都迥樓臺忽飛動金
紛紛填委通幽徑陰深倒影波渺瀰遙青難強各近翠又

轉徙首途虹橋西天工錯人技引泉都貫穿架屋尤卓詭
疊石兼曠奧繚垣納流峙灣環清且漪滑笏澗到底踏厓
鶴跡瘦附堦鹿羣跂名園更泥人春色簇英藹香霧鬱梅
塢光風汎蘭坻高低眩光怪向背惑侔揣都疑琳堂邃那
覺鏡戶倚自驚塵網身忽坐洞天裏怱怱甫停橈望望更
撥艤卽事多賞心隨方足步跬淨域碧玲瓏長堤綠迤邐
鸞書光熊熊駕瓦翠繩纏浮圖草如茵香界地若砥周遮
聳華闕照耀徹芳沚平遠兼麗都妙嚴更旖旎橋欄題蓮
花寺榻署柏子問名貯詩料訪僧挾禪髓奧區深愈佳冥

探健未已岸迴睇方遙路極勢欲隨照眼平山堂未到心
早擬側嶺緣嶽崑橫岡走剡旄門臨平楚濶徑借招提抵
殘雲積釳砌繁潤噴珠藥雲根雜皺透泉眼辨濫汎登堂
益勝常去天但盈咫翹瞻限攀躋俯挹渺垠趾濛濛兩三
州浩浩百千里羅列淮岑蒼拱揖江岫紫英規憶賢守舊
蹟溯昔履一時盛賓朋千秋仰神理愷悌先耕桑風流始
樽簋乃知古人心爲樂非怠弛將同峴首思彌重靈光歸
再進復改觀傑閣聳丹彤簾櫳畫愔愔縹緗富侈侈蓬山
雖萬重冊府總一揆何能昕夕披少灑固陋心緬邈誰爲

緣登頓未覺傲鮮飈振林麓返景射巖岫歸途趣猶奢勝
概瑣難紀但惜山水滋微傷亭榭圯古來歎蕪城茲州狎
戰壘豪華金易銷慷慨酒慣醜頽波直至今利源豈如始
粉飾自不遑隳壞亦宜爾幸躬際 升平應力修廢壞焉
得良司牧到處刷痕瘡江海波不揚河淮患早弭鹽漕增
豐亨淵敷絕奸宄敬當迎 翠華重與燦金綺編氓極泳
游藝林廣衣被我本香案吏倘扈 屬車軌奏御合雍容
頌聲譜宮徵名山許重來息壤當在此所慙下里吟莫費
洛陽紙詩殊右丞王盡謝將軍李定知冥漠中歐蘇笑露

齒

舟泊淮上和酒帥阮芸臺先生春草韻

淮北風和草已萎
新痕日日上平堤
春回隔岸湖光外
綠到斜陽塔影西
盤馬離亭人去易
踏青小隊晚歸齊
銷魂獨有重來客
十載難尋雪爪泥

合傍朝陽作翠萋
偏煩旌節駐春隄
池塘小夢鈴齋裏
湖

水關心鏡社西
蹤地可分檉柳暗

河裡能起雨時
江北苦旱故云

黏天何

似麥苗齊征人也
被新詩感政怨輪
轅滑澆泥

原詩有愁
說微山湖

水盡
之句

楚元王廟

一代天人表千秋廟貌垂羹無邱嫂怨醴有穆生思家學

開中壘儒宗問魯詩坐憐鐘室客並地感荒祠

漢書既廢楚王信分

其地立交爲楚王

呈葉次幔邑侯

申薦

仍用和春草韻

其是他鄉芳草萋獨叨東道駐淮堤君如橘性甘踰北我

正葵心笑向西舊雨話成吾土樂好風吹得故人齊

酒次遇張

慶周何石農公車北上高歌青眼應珍重敢惜回舟醉似泥

疊前韻寄滇南葉其園邑侯

銷魂生怕草萋萋，猶自淹留戀碧隄。
話舊都如春夢隔，懷

人更到夜郎西。十年酒國人俱老，一笑神山影不齊。
余與其圃

先後由庶常改官何日漢京徵密令，東華重聚雪鴻泥。

芸臺先生廨中觀四明本華嶽碑

春草軒中春雨後，春風坐我煙雲藪。
開函先出華嶽碑，元氣淋漓溢戶牖。
全碑大幅新裝池，楮墨流光古而黝。
大和前題夾顛額，元豐後記附跟肘。
先生道此四明本，蠶莫稽宋元久繭紙。
初登豐氏樓，鮎亭重入謝山手。
珍從范氏天一閣，轉到吳中竹汀叟。
天教尤物擇所歸，夜壑藏舟幾

殺負長歌紀事鏗鐘鏞時賢跋尾錯瓊玖秀削居然玉女
娟飛騰如挾巨靈走憶十年前手摹習廩本陳陳積策白
耳食猶驚鼠腊奇貌取自憐虎賁魄長垣華陰各有真二
本歧分尙能剖商邱遞歸藩邸珍江南却付經師守椒花
吟舫舊淵源厯從遺句湖山斗華陰本藏朱笥河先生處
先君子曾侍觀有詩紀之
萬墨齋頭我曾入交臂失之能無忸長垣本會藏陳
伯恭宗丞齋中何況
茲本最晚出深藏不作牛彝吼長水釣翁緣已慳蒲褐山
人見亦狃那知翰墨畱夙因瞥向風塵快尙友側聞茲碑
畜疑義中郎書佐語紛糾區區翠墨亦何裨要爲經史發

豐蔀漢儀或可補扶風字源兼欲參祭酒耆儒考訂不畱
餘繼起何煩託枝拇自知神解驟難合但誇眼福今非偶
會學歐陽宿託三倘許玉谿手胠右惜我行滕難久淹恍
席相催風泐瀏雪泥那復戀飛鴻嶽雲倏已幻蒼狗題記
難沿張稚圭析疑苦憶樊元舅廿年舊夢種根苗千里奇
緣綴絲藕廓填逝肯分珠湖追躡也當享金帚

先生雙鉤
本已刻於

珠湖祠塾許
他日揭寄也

漂母祠

慘淡風塵際飄零蹤跡存英雄困謀食貧賤凜新恩泗口

猶餘冢淮流恰到門如聞不望報一語啓王孫

皂河

匝月居漕艘兼旬泊皂河連檣數十里篙眼如蜂巢茲方
左界扼地險黃流白日游龍壘當年三策久未效攀菱捷
竹聲荷荷雁澤哀嗽遍銅宿並愁運道淪盤渦祇今宣防
慶底績報功廟貌撐重阿

天章紀事備燦爛光景終古旋羲娥我來瞻仰更周視長
堤巨埽駢嵯峨如騰鶴背跨龍脊其中隆起有陂陀涓涓
西來但一碧輕風蹙動紋如鞞馮夷嬾眠呼不起那有澗

浪掀霓羅亘天巨瀆尙如此何況一港沿荒坡龍驤萬斛
不得上詎免白粲叢飛蛾敬聞輪輓厘

睿慮太倉方佇量篋籬天儲正供繫國本督罷急於瓠子
歌大官日讀河渠志頻煩旌節來經過借黃濟運昔有事
地雖咫尺時殊科周官具詳水利政澌蓄疏濬難偏頗此
間水國富藪澤微山駱馬通湖波正資淤淺便挹注孰遣
濯濯鋪麻禾關流妄壅法所禁無人過問理則邗泉源坐
棄不少惜萬夫邪許空蹉跎安能論列達

宸聽力復舊蹟非煩苛旱乾潦溢互吐納坎德一氣延天

和劇憐所愛非我力坐看夾岸滋新莎二分春色買棹始
荏苒不覺今南詵意中淹畱易消遣澆書頓頓消濃醪胡
爲枯腸起芒角咄哉紙上談干戈三月桃花信已杳四月
瓜蔓知如何晚來推窗月似畫尙祝離畢俾滂沱

以皂河詩呈隔舟劉梅冶邑侯

慶緒

而和章踵至因

疊前韻賦酬

通神何必龍騰梭傾寫何必川灌河辰徵和章午已至瞥
如霜隼離秋巢鈞天鐘鏞振龔曠巨響直壓逢逢隳坐令
連艫發光怪徹夜不藉燒銅荷憶我買舟如寄廡琴書草

草辭淮渦蓬窗偃仰無一事日與眷屬相依阿桃園岸畔

望春水鍾吾城角招素娥誰知傾蓋值下相忽親劔珮高

冠義清談往復惠好我那不斗藪參頭陀

天然言頭陀此言斗藪煩惱見

文選

一昨拍浮作近局與酣欲脫青蓮鞵自慙酒國介兩

大拇戰翻倒金叵羅有時堅壁強自固終同駿足思長坡

酣嬉盡致匪忘反笑謝繭縛噉蠶蛾買春但須盼茆屋寓

食無慮篩空籬我本酒徒日捉醉君言對酒還當歌新詩

銷陳河朔會酬唱欲比西崑過東南閩粵近接壤賓興猶

記同歲科分曹志業互摩厲涉世通介消偏頗感君意氣

非偶爾亮不泛泛隨萍波昔者福躔照參井隨車甘澍滋
嘉禾新劓及鋒靡不可宦海備歷毗嵐邠通儒要畫社稷
計肯逐俗吏同蹉跎聽君抵掌識君政定矯東濕蠲煩苛
祇今東山要再出嶽雲早滂陰陽和謁來行滕滯漕舫偏
同旅雁依蘋莎願君且復述政譜掃落糠粃砭差訛緒餘
乃及腐儒技論文細細斟芳醴淹畱轉獲講習益况兼詩
壘交長戈一重一掩吾豈敢再接再厲君如何黑雲似爲
催詩至坐觀風雨驅河沱

乾鑿度上飛籥風
雨下流濟河沱

四月二十九日雨

一陣瀟瀟雨來當月盡時夜燈涼意逼曉岸水痕移莫遣
龍公倦仍愁鷓首遲須臾那足計可以賦新詩

五月初二日又雨燼前韻

客夢蕭蕭裹天涯莽莽時河聲兼雨至岸影逐雲移騎月
寧無意崇朝願更遲慙無所榮責义手只哦詩

五月十七日電

午月日卓午赤地騰陽離朔風天末來黑雲方四垂初如
涿鹿戰空際翻旌麾又如昆陽兵霹靂聲交馳是時旱太
甚巨浸成漣漪連檣苦守牖如薺河之糜雲霓有同望牲

退菴詩存

卷六

七

壁亦屢疲無端忽泠然滂沱復何疑煩醒蕩蘇浙蹙痿增
肅祇豈知雜沓下迴殊優渥滋打蓬但磊落堆岸徒歲鞋
甘霖既不沛硬雨奚以爲勢將再三竭依舊驕炎曦我聞
二氣和然後雨澤施脅陽兆先著藏冰禦已遲會當囚耕
父兼復驅肥遺亟揚雨師德莫任龍公癡上以慰

睿慮輸輓無愆期下以紓民勞五兩乘風吹滑澆轉汶濟
直抵通潞涯旣無病正供亦不愁虛糜一雨厥利溥彼蒼
肯聽卑我本長安客浮家聊寄茲日磨三升墨佇作喜雨
詩淹留豈遑計屋漏分亦宜所憂固匪力所祈良非私獨

慚申豐對恐惹蕭推疑雖有不爲災庶幾上天慈

臺莊喜雨

十旬望已慰雲霓滲漉真堪潤夏畦
挾碇早欣流汨汨漏蓬邊計夕淒淒
天迴梁楚雲陰濶路入青徐野望低
從此千帆須直達作霖恰與濟川齊

臘月二十五夜同達玉圃

麟

程晴峯

霽采

飲金子彥

應城

齋中皆儀曹同官也

聽鼓應官各自憐幸從歲晚結閒緣
客非不速來如約病未能豪醉亦便鄉
味轉宜遷地好華筵恰喜占春先

次日立春

多君絕妙調羹手肯把金丹度後賢

蕭寥簾外晚風酸讀畫評詩一榻寬落落便疑星小聚
喁喁那管夜將闌詩成何必爭高格春到依然是冷官
相約銷寒須繼會不妨長作歲寒看

子彥和詩未至疊前韻以探之

上竹鮎魚不自憐猶耽子墨種閒緣體中敢信貧非病拙
効還成靜者便一自招邀陪座末頓教飛動恠人先未嫌
導響皇恭陋準擬風流踵昔賢

望衡不覺馬蹄酸乍免趨公禮數寬近局已隨春有腳豪

情宵與酒俱闌，可堪歲事兼詩債。差喜風懷勝熱官。他日
視今今視昔，西崑酬唱萬人看。

侯門和汪益齋比部

鳴謙韻

朱門正對夕陽開，誰信飛花伴客來。絕似山陰舟裡客，等閒乘興等閒回。

乍爲停車醉眼開，生憎珂馬滾塵來。背人咄咄詢夫已也，了徐行褚彥回。

名花何必定先開，溝水門前易去來。偷眼蜻蜓知有避，祇應腸斷賀方回。

長柄壺盧口倦開驚人那有禰衡來紛紛珠履三千客笑
我晨窗夢未回

以福橋花糕遺梅冶辱承賦謝次韻奉酬

生涯豈有千頭木吏隱猶慙一局棋踰北幸無疑枳化獻
正聊可配椒貽乍疑鄉國春生手恰助詩人爽入脾異地
歲華同紀麗寶光吉語總相宜

豪家競走飭春盒微物何當獻歲盤坼字偶摹丞相篆

花餅

作素淡
瓦當文

粗材終等腐儒餐期君說餅才無限媿我吟餉字

未安何事琅箋矜寵過陽春真覺繼聲難

臘月二十九日 禘祭大典在午門外接 駕恭紀
聽漏先趨金水橋衝寒早已簇華貂龍樓向曉星初轉
鵝觀經春雪易消人意齊隨雲罕肅晨光漸展火城遙鐘聲
直徹

天旋轉想見純禧介歲朝